



Universitätsbibliothek Paderborn

**Vademecum Sive Praxis Opera Quotidiana Aliaque ritè
peragendi, & per ea salutem& perfectionem propriam, ac
proximi, instituto Societatis Jesu conformem assequendi**

Limpens, Ferdinand

Coloniæ Agrippinæ, 1744

§.IV. Examen ante-merid. generale & particulare.

[urn:nbn:de:hbz:466:1-54750](#)

quæ locutus es mihi, spiritus & vita sunt. Demum sicut animal mundum & ruminans reflete, quid exin retinere, quid eodem adhuc die in praxin velis redigere.

§. IV.

Examen ante-merid. generale & particulare.

1. Punct. Solve DEO grates.

Benedic anima mea Domino, & noli obliuisci omnes retributiones ejus. Ps. 102. Recole beneficia communia omnibus, tibi cum multis, & tibi peculiariter praestita. Gratias age cum applicatione & in unione meritorum Christi, & sanguinis ejus infinitè pretiosi, quem in cruce è vulnere manū dextræ effudit.

2. Pete lumen.

Illumina oculos meos, ne unquam obdormiam in morte, ne quando dicat inimicus meus, prevalui adversus eum. Ps. 12. Obsecro te Domine per sacratissimum sanguinem Filii tui, qui è vulnera sinistræ ejus manū manavit, fac me agnoscere & detestari peccata mea.

3. Discute mentem.

Proba me Domine, & scito cor meum, interrogame, & cognosce semitas meas, & vide, si via iniquitatis in me est, & deduc me in via eterna. Ps. 138. Post examinatos defectus dic: Nonne DEUS requiret ista? ipse enim novit ab-

scor-

De operibus quotidianis.

15

Secundum cordis. Ps. 43. Pete, ut sanguis Christi
è vulnere sinistri pedis profluens deleat vestigia,
quibus ab ejus semita deflexisti.

4. Delicti veniam posce.

*P*ropter nomen tuum Domine propitiaberis pec-
cato meo, multum est enim. Ps. 24. Affli-
ctus sum, & humiliatus sum nimis [elice attri-
tionem & contritionem] rugiebam à gemitu cor-
dis mei. Ps. 37. Vide humilitatem & laborem
meum, & dimitte universa delicta mea. Ps. 24.
Per vulnus sacrum pedis dextri Domine JESU re-
spice in me, & miserere mei. Dic animæ meæ:
Remittuntur tibi peccata tua.

5. Malumque fuge.

*I*mpulsus (subitâ commotione hujus, illius
Passionis) eversus sum, ut caderem [in hunc,
illum defectum] & Dominus suscepit me. Ps. 17.
Ero immaculatus cum eo, & observabo me ab ini-
quitate mea. Ps. 17. Hoc, illud, in quod sæpius
lapsus sum, præcavendo, ut autem fontem ob-
struam. Persequar inimicos meos (hanc, illam
passionem prædominantem erroris frequentio-
ris causam) & comprehendam illos, & non
convertar, donec deficiant. Ps. 77.
*I*pse Deus Salvator meus, Susce-
ptor meus, non movebor
amplius. Ps. 61.



EXA-

EXAMEN PARTICULARIS

Si vebis, sive semel de die fiat, ut non omittatur, securum est, ut inmediatè post examen generale fit, porrò quonodo cum majori fructu & efficacia id indies faciendum sit, docet sequens

ANIMADVERSIO III.

Circa examen particulare.

Si externus plura per S. P. Nostrum beneficia, corpus & animam quod attinet, à DEO impetrat, quam unus ex Nostris; signum est, quod majorem etiam præ illo erga Sanctum venerationem habeat & confidentiam, si magis in virtute ac perfectione proficiat; signum quoque est, quod, mediis à S. P. Nostro hunc in finem suggestis, utatur diligentius. Sæpè inquirimus in media ad perfectionem consequendam aptiora, si practici magis volumus esse, quam speculativi; nullum adeò divinum inveniemus, & experiemur esse ad eam adipiscendam medium, quam usum debitum examinis particularis, à S. P. Nostro in orbem introducti. Et sanè, si inveterat pccato es, eo medio indies constanter adhibito, in viros omnino alios paulatim transmuta iuntur; an non tu facile ea, quæ tibi restant in ordine ad perfectionem, impedimenta eodem tollere poteris? Securis ergo ponatur ad radicem v. g. Materiam examinis particularis pro singulis mensibus desume ex recollectione, quam

quam sub finem mensis institues de confessionibus eo mense peractis. Sicut ad sanitatem corporis plurimum condūcit, si medicus ægroti temperamentum bene cognoscat: ita ad perfectionem, si tu te ipsum probè noveris, & advertas, quæ passio adhuc prædominans sit, quæ origo horum, illorum defectuum, in cuius virtutis exercitio sis infirmior, dum moneris, corrigeris ab alio ratione hujus, illius nævi: facile se amor proprius insinuat, infatuat, & vel negat eum, vel minuit, docetque saltem ex parte, si non ex toto, stare jus à te. Dum confessione peccata expias, ita te accusas, ac in agone accusares, nil omittendo, palliando, vel excusando, reflectens ergò morosè sub finem cuiuslibet mensis, dum ad novam te confessio...cm præparas, super ea, quorum elapso jam mense te in sacro tribunali reum proclamâsti, incipie te ipsum penitus introspicere, & ex eo, cuius te crebrius accusare debuisti, colligis; hanc, illam passionem fontem esse crebrioris lapsus, hanc, illam virtutem adhuc maximè tibi deesse. Ergò uno mense insequente institue examen particolare in via purgativa de hac, illa passione magis edomanda, altero in via illuminativa de hac, illa virtute acquirenda, magisque solidanda: & quod vesperi, examine particulari facto, circa hunc, illum defectum tibi proponis, altero mane post meditationem (percutrendo occasiones & circumstantias, in quibus lapsus es, & quibus denuò labi posses) renova, & sic certius veterem hominem destrues determinato

eum

eum ictu impetendo, quam si examen tuum
particulare sit quasi individuum vagum, & ictu
incerto mox in hoc, mox in illud feratur, abs-
que eo, quid te ipsum noscas, & quid tibi de-
sit, scias. Hoc sensu inter septem Sapientum
dicta inseri meretur vulgatum illud: *Nosce te-
ipsum.* Hic scopus erat S. P. Nostri, dum me-
dium docuit per examen particulare pravas con-
suetudines, passiones, vitia extirpandi, virtu-
tes implantandi, ad perfectionem, unionem
cum DEO, & faustum illud prædestinationis
æternæ omen perveniendi: ut scilicet victor tuū
ipsius pace internâ. ac plenâ animi tranquillitatē
in hac misericordiarum valle potiaris.

§. V.

Prandium, Cœna.

Dato ad id signo, animum in cœlum ad pro-
vidum ac benignum illum Patrem-familias
leva, & inter cunctum dic: *Oculi omnium in te
esperant Domine, Et tu das illis escam in tempore
opportuno [statutâ horâ apud Religiosos] aperis
tu manum tuam, Et impletus omne anima benedi-
ctione.* Ps. 144. Inter orandum sub initium &
finem mensæ sis animo recollecto. Et sicut in
omni alia, ita & in hac communī oratione non
sistaciturnus, sed cum S. P. N. altè & ferventer
ora. Benedictio sive oratio olim missa à S. P. N.
& à nostris ad mensam, quando non jubetur
quis præorare, secreto dici solita erat se-
quens.

Ante